

ME TO IHHIMPEJ CATÊJÊ

Ûhÿ, pê Jojuw tyc jakàn pê Ixaher catêjê cama amji pê Pahpãm pê Pahhiti to me hapac kêtto me mõi. Cwÿrjapê ri ihtÿj Pahpãm te me ipu namehkrĩ atajê te me kam ihtêm na me hamãr, mãr quê mehapu, ne ame to kêanre ne. Cwÿrjapê ri Pahpãm te me ahna me to ihmipej catêjê kwÿ pyxwÿr, mãr quê me to ihmipej. Na ri ihkàhhôc ita japrÿ te **Me To Ihhimpej Catêjê Jõ Kàhhôc** (Me To Ihhimpej Catêjê).

6

*Pahpãm na mehkwy to ihmipej catê pê Gitõ
Me To Ihhimpej Catêjê 6.1-4*

Hõ, pê me hajÿr to mõiãr kam, ajmãr me pjê ata cunea pytà. Jirõ pê mã pê cama Pahpãm to me hapac kêt to me mõi. Pê Pahpãm hacpÿã mã amji wÿr me to ipipkjêr prãmte, ihtÿj me curê xwÿn jÿhkramã ajco me hacjê, ne me hÿrmã Mitij catêjê kujahéc to caku toxet. Pê Ixaher catêjê me hÿpate ma ramã krĩ pême cuto, ne kën kre kam ajco amehkrĩ. Neajco Ixaher catêjê me hõ pur kam ahkre, pê ajco me hapôj ne mame cupê ampo to hàhkÿj partu, ne mã me to cuto, me hõ parxare mea mã.

Cwÿrjapê ri Ixaher catêjê te hacpÿãmã Pahpãm wÿr me amji jaxàr, ne amjitehcajpar xà na me ahna hàhwÿr. Mã amcro nõ na Pahpãm te harkwato imprar catê nõ na amji ton, ne ma

Ixaher catêjê nõ intuw japry teGitõ ita wÿr cator, ne cumã:

— Hàpà! Còjkwa kam Pahhiti pê Apãm Cati quê haamã acaxwÿn kam acarôt gõ. Pahhiti quê ha ato ihhimpej, mår ca Mitij catêjê jùhkra pê Ixaher catêjê pytà — hajÿr.

7

Pê Pahpãm Gitõ pê hõ krãhtare to incri Me To Ihhimpej Catêjê 7.1-8

Mã Gitõ te impar ne ma tẽ, ne cute mehkwy xùmrejãhtõa to ajmår mir te trĩnta ne ihkõt mir pijakrut ne me to cuprõn. Pê ramã mecaxuw, Mitij catêjê jõ krãhtareme hirõa pê hàhtõa, ne kẽnti cahê na caprùm ata kam me ahtwÿ. Ne pê me krãhtare atajêjàhtõ, pê ihhêj rùm peture jãhtõ. Ne hanea ne me hõ cawrõ kô jarõtipe camer atajê hàhtõa, pê ihhêj rùm pjênxôm carõt jãhtõ, na quê nee jùm me cahyt par nare.

Mã Pahhitipê Pahpãm te Gitõ mã me hũmre jãhtõa na me hõmpun, ne cumã harkwa to:

— Ampeaj kam amã me hũmre jãhtõ. Ne wa ha nee me hàhtõti itajê pijapuna me hamår quê me ipijapu nare. Ampo na? Quê ha mehãhtõti atajê me ajpu, ne me cuteame amji pytàr na ihtÿj me amji cãmji, ne me amji mã: “Me itea, wa meamji pytàr” hane. Cwÿrjapê ca ha ma hacpÿ mã ikre wÿr me hàprê nare, ne me capõnÿre, ne me cumã hũpahti atajê kujate — hajÿr.

Mã ma cute me mir te winti ne ihkõt mir pijakrut ne ikre wÿr me amji jaxår. Mã cormã me hũmrete me mir te tej ne me hàhhuc, ne ramã me ipijapu xà caxuw ame amji cùmpej.

Mã Pahhiti pê Pahpãm te Gitõ mã:

— Cormã ampeaj kam amã me hũmre jàhtô. Ma cô mã me to mõi, quê ha ameikõ, wa ha cormã amã jũmjê atajê jarê — hajÿr. Mã ma cô mã me tomõi, ne me iwryc, mã ame ikõ.

Mã Pahpãm te Gitõ mã hũjarên to:

— Por me cupê rop, ne me harkwa to ame cô to ikõ atajê, quê ha ikre wÿr meamji jaxà, ne por me hũhkra na ame ikõ atajê quê hame ajpu — hajÿr.

Mã me hũmre te xěj crê peaj, ne me hũhkra na me cô toikõ. Mã Pahpãm te me hõmpun ne Gitõ mã:

— Pom me hũmre te xěj crê itajêa to, wa ha Mitij catêjê jàhtôa atajê me ajpu, ne mehipej tu. Ne mehkwy itajê ca ha hacpÿa mã ikre wÿr mehkujate — hajÿr. Mã cute ikre wÿr me hàhtôti atajê kwÿ kujahêc. Mã cute me xěj crê peaj ne me hàhhuc.

Pê Gitõ jõ krãhtare incrêre atajê me curê xwÿn jàhtôa jipej

Me To Ihhimpej Catêjê 7.15-22

Mã caxwa ata kam Pahpãm te Gitõ mã harkwa to:

— To jÿ, ne gõ krãhtare to mõi, me acurê xwÿn catêjê wÿr, ne me kamtê, wa ha me atehcajpa, caha me hipej tu — hajÿr. Mã Gitõ te hõ krãhtarena hàhwÿr, ne me cumã:

— Me to jÿ! Nãmri ramã Pahpãm te me pajũhkra mã Mitij catêjêcunea jaxàr — hajÿr.

Ne cute me to hakrà to incrê, ne ahpÿanre na mecumã me hàkôr xà jõr par, ne ihkôt me cumã pjê te cô run xà caxwãm pêcuhy pôr atajê jõr

par. Mã ma pō pê Mitij catêjê jàhhuc xà ata wỳr me to mō, ne curi awcapàtkô picapôn jirô pê me cator, neme ahna me ipixêr. Ne ihprôt pê cute ame hàkôr xà cakôr, ne ame cô run xà kam cuhy ihcuhê ne pôr atajê cahhêc, mã krã, ihpôc xà jàhcujro. Mã cute ame caràr to:

— Pahpãm me Gitō quê ha me gipej! — hajỳr.

Ne nee cute me kam ihtêm nare, ne cama mehkrã ne me to xa, ne ame hõmpu, ampo te jũ na ame ton xà ata na. Mã Pahpãm te jũ mã me curê xwỳn atajê ton, mã me taa amehprôt ne awcapàtkô kam me amji kwỳa cura. Ne mehcahur ma me pra, me hõ pjê wỳr.

Hõhõ, pê Pahhiti pê Pahpãm hõ krãhtare to Mitij catêjêjipej to hane, ne Ixaher catêjê pytà. Pê Gitō me to ihhimpej to cakujàhtôa, pê ajco ihtỳj Pahpãm kôt me ipa.

16

Me to ihhimpej catê Xãnxã

Me To Ihhimpej Catêjê 16.1-3

Ne pê Gitō ty jirô pê mã, pê hipêr Ixaher catêjê Pahpãm to amji pê me hapac kêt, ne me cumã hikra. Cwỳrjapê pê Pahpãm me curê xwỳn pê Piritew catêjê te Ixaher catêjê jō pjê toihhimpej na me to tojnō, mār quê ha me taa caku jàhtôakam me to ihhimpej.

Ne ajco amji to me curê xwỳn xà ata jō amcrokam pê Xãnxã pê Ixaher catêjê jōpahhi, ne me to ihhimpej ita to caku to winti. Ne ajco Piritew catêjê jàhtôa ne ihcura. Na pê Pahpãm

me caxuw mehcunea jirôa pê hĩ kam cumã carôt tỳj catia ne cugõ.

Pê Xãnxã amcro nõ na, maPiritew catêjê jõ krĩ nõ wỳr mõ, ne cumã hàr. Mã cute ahna me to me hõ krĩ jõ harkwa jihê, ne ihtỳj curia cute amji to apẽ na amehcãmjĩ. Mãiràrà na me curê xwỳn jõ xũmre jàhtôa te me cuprõn, ne mehpro prãmte hỹrmã me mõ.

Mã Xãnxã naawcapàtkô picapôn, mã ma mõ ne cute krĩ jõ harkwatiita hyr, ne impỳn, ne ma krĩ pê to cator nekenti nõ ita wỳr to mõ. Ne ahna to hàpir ne himoac kam cute hir. Hõ, cute harkwati ita hyr to hajỳr, ne Piritew catêjê jũhkra pê amji pytàr.

Xãnxã te amji curan xà kam, me curê xwỳn jàhtôa ne mehcura

Me To Ihhimpej Catêjê 16.21-31

Ne ahna caku te winti ita jicu xàkam ri Xãnxã te Pahpãm kôt amji ton jicu, cwỳrjapê ri Pahpãm te intête carôt tỳjti ata cunea caxàr, mã hacpỹa mã carôt peacre. Neihprõ ata pê ri Piritew catêjê kranõa, na ri cupê curê xwỳn, mã cute Xãnxãpro na mehkwỹ tehcajpar prãmte cumã ihhêj. Mãcute mehpro, ne wakỳre to mehcajpre, ne cute mento krỳn. Ne kenti te kwỳr kên xà ata na, cute me hãm, ne mecumã hê. Mã ihtỳj ihcuhhê ne ame cumã to kwỳr kê.

Mã Piritew catêjê te Xãnxã proxà ita to me amji japackre xà to, cuteamji mã me amji kĩn nõ ton. Ne mehõ pahpãm cahàc krekà japrỹ te Tagõ ita to me catiprãmte, ame to ihcakôc pejti, ne meamji mã:

— Me ijõ pahpãm pê Tagõ te ita caxuw mejũhkra mã Xãnxã jaxàr. Ne taa mãpê ramã me ikwỳ to kèanre, mã tapan me ijõ pahpãmte me ijũhkra mã haxàr. Ajpên me iwỳr Xãnxã to mõi, wa ame to ijapactu — hajỳr. Mãajpên meh wỳr me to mõi, ne pahpãm cahàc krekà Tagõ jũrkwati mã kên teihcuhhê xàhti atajê cote na, cute me hãm.

Mã Xãnxã te me hõntuw nõ mã harkwa to:

— Ikre mã ihcuhhê xàhti itajê nõna ijũhkra xi, wa ahna cupy ne kõt — hajỳr. Ne pê Tagõ jũrkwati atato me hipu tu. Pê me to ihhimpej catêjê cunea curi mehkrĩ. Ne hanea nekỳj rũm ihkre nõ kam, me hàhtô na me mir crê ne mejỳ, ne ahpar mã cute me Xãnxã pupun, ne ame hũn kèanre to prãmte pê me jỳ.

Mã Xãnxã te Pahpãm mã ihcakôc ne ahna hàhwỳr ne cumã:

— Me ijõ Inxũ Cati pê Pahhiti, itoamji japackre, ne hipêr imã icarôt catia ne agõ, wa to Piritew catêjê to apu kên, cute me ito krỳn jahpan xà na — hajỳr. Mã Pahpãm te hacpỹa mã cumã carôt catihti jõr. Mã cute carôt cunea to ikre mã ihcuhhêxàhti atajê mã quêat neihkujahêc, mã me hipy ihcunea pỳm, ne cute meh cunea jipej tu.

Ne pê ihtĩr reria mãajco me hàhtôa ne mehcura. Ne ita caxuw cutea meh kõt ikre to amji curan xàa kam hàhhuc, mã cute mam mehcuran atajêjirôa pê mehcuran. Mã me ahna ahtũm nare mãme hũkjê cator, ne macute me Xãnxã na hàhwỳr ne me to tẽ, ne hũm cahêa na me harêt. Hamre.

PAHPÃM JARKWA CUPAHTI JÕ KÀHHÔC
Canela: PAHPÃM JARKWA CUPAHTI JÕ KÀHHÔC
(Portions)

copyright © 2012 Wycliffe Bible Translators, Inc.

Language: (Canela)

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 1 Oct 2024 from source files
dated 29 Jan 2022

09d4e460-c38b-52b7-81c1-8300bfeb466a